

■ TRIBUNA POLITICA

D'impurtanza per il Grischun

Il parlament federal di GEA a l'imposiziun da taglia pauschala

DA MARTIN SCHMID,
CUSSEGLIER DALS CHANTUNS

Dapi che l'imposiziun da taglia pauschala è vegnida abolida en il chantun da Turitg è vegnidas manadas en tut la Svizra discussiuns co sutmetter a la taglia persunas estras. I sa tschenta la dumonda schebain quels chantuns ch'enconuschan dapi decennis l'imposiziun da taglia pauschala per persunas estras senza activad da gudogn la stuessan abolir sin fundament d'in sforz da Berna. L'imposiziun da taglia pauschala è ina regulaziun facultativa per ils chantuns.

Il parlament federal è s'exprimì durant la sesiun d'atun cleramain en favur da l'imposiziun da taglia pauschala ed ha approvà ina modificaziun cun prestaziuns fiscalas pli autas elavurada da la conferenza dals directurs da finanzas. Il medem mument han las votantas ed ils votants dal chantun da Berna refusà cleramain in'iniziativa per abolir l'imposiziun da taglia pauschala. L'argument che questa moda d'imposiziun saja malgista n'ha già nagin effect.

Quests clers segns èn da valitar a moda positiva dal punct da vista dal Grischun. L'imposiziun da taglia tenor las expensas è da gronda muntada per il chantun Grischun. Quels chantuns che han ina lunga tradiziun d'imponer la taglia tenor las expensas na vegnan damai betg sfurzads



da renunziar a questas reglas d'imposiziun impurtantas per il lieu. Er en l'avegnir duai esser pussaivla ina soluziun federalistica adattada localmain. Impurtanta è questa regulaziun perquai ch'ella permetta a territoris periferics d'esser attractivs per buns pajataglias. En noss chantun èn actualmain var 290 persunas sutmessas a l'imposiziun da taglia pauschala. Ellas pagan enturn 40 miu. francs en furma da taglias federalas, chantunalas e communalas. Quella summa importa passa 2,5% da tut las entradas fiscalas e passa 3,9% da las taglias sin las entradas e sin la facultad en noss chantun. Sche buns pajataglias vgnan a star en ina vischnanca po quella generar dapli entradas e la tariffa da taglia per pajataglias indigens resta bassa. Per finir tuts che profitan da quest reschim fiscal. Quai vala surtut per il Grischun e per vischnancas turisticas. Questas persunas s'engaschan ultra da quai a moda multifara en il champ social, en il turissem ed en la cultura.

Ils adversaris da l'imposiziun da taglia pauschala fan savens valair che questas persunas vegnian privilegiadas entras l'imposiziun da taglia tenor las expensas, ellas stuessan pajar en moda e maniera regulara considerablmain dapli taglia e sch'ellas bandunassan tut tenor la vischnanca las remplazzassan autras persunas sutmessas cumplainmain a la taglia. Per il Grischun na constat quai betg. L'aboliziun da l'imposiziun da taglia pauschala avess per consequenza ch'ils pauschalisads fitg ritgs dischlocassan lur domicil a l'exteriur; a disposiziun stattan lieus attractivs dal punct da vista fiscal sco Monte Carlo, Londra u lieus en l'Austria. Il bain immobigliar en il Grischun vegniss da qua envinizzegia sco abitaziun secundara e l'obligaziun fiscal illimitada crudass. En consequenza sa reduciss la prestaziun fiscal en il Grischun a moda massiva cunquai che mo pli la valur da l'atgna locaziun pudess vegnir sutmessas a la taglia. Quest pass na serviss ni a la giustia fiscal ni al princip da l'imposiziun da taglia tenor la cumpetitivad economica. Ultra da quai cumprova in simpel quint che pauschalisads cun ina facultad da var 7-10 miu. francs pudessan midar gia oz a l'imposiziun effectiva e pajassan mo pauc dapli taglia. Talas tendenzas ston ins evitar dal punct da vista da las famiglias e da la classa meassa. Uschiglio stuess questa gruppa da pajataglias quintar cun ina chارجia pli auta. E quai bain nagin da nus che na vul.